



**МОЛИТВЫ  
И  
КАНОНЫ**

**ЧТОМЫЕ  
ПО УСОПШИМ**

**МОЛИТВЫ И КАНОНЫ,  
ЧТОМЫЕ ПО УСОПШИМ**

«Сибирская Благовонница»

2010

Молитвы и каноны, чтые по усопшим / «Сибирская  
Благовонница», 2010

Отдавая усопшему последний долг, мы чаще всего думаем о том, как достойно проводить его в последний путь, заботимся об организации похорон, устройстве поминальной трапезы, изготовлении памятника. Но усопшему ничего этого уже не нужно. В церковном понимании память об усопшем – это молитвенная память. Основой такой памяти церковной является молитва, обращенная к Богу, Матери Божией, к святым – угодникам Божиим. Святая Церковь призывает нас, живых, молиться об усопших, ибо они уже не имеют возможности молиться за себя. Мы должны молиться о прощении их грехов и о упокоении их душ в обителях Небесных, молиться о том, чтобы благая память Божия о них была вечной... Рекомендовано к публикации Издательским Советом Русской Православной Церкви ИС 12-208-0644

, 2010

© Сибирская Благовонница, 2010

# Содержание

|                                   |    |
|-----------------------------------|----|
| Канон о едином усопшем            | 5  |
| Конец ознакомительного фрагмента. | 12 |

# Редактор-составитель Е. О. Фомина

## Молитвы и каноны, чтимые по усопшим

### Канон о едином усопшем

Молитвами святых отец наших, Господи Иисусе Христе Боже наш, помилуй нас. Аминь.  
Святый Боже, Святый крепкий, Святый безсмертный, помилуй нас. *(Читается трижды, с крестным знаменем и поясным поклоном)*

Слава Отцу и Сыну и Святому Духу, и ныне, и присно, и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесах, да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй. *(12 раз)*

Слава Отцу и Сыну и Святому Духу, и ныне, и присно, и во веки веков. Аминь.

Приидите, поклонимся Цареву нашему Богу. *(Поклон)*

Приидите, поклонимся и припадём Христу, Цареву нашему Богу. *(Поклон)* Приидите, поклонимся и припадём Самому Христу, Цареву и Богу нашему. *(Поклон)*

### Псалом 90

Живый в помощи Вышняго, в крове Бога небеснаго водворится. Речёт Господеви: заступник мой еси и прибежище моё, Бог мой, и уповаю на Него. Яко Той избавит тя от сети ловчи, и от словесе мятежна. Плещма Своима осенит тя, и под криле Его надебешися, оружием объдет тя истина Его. Не убойшися от страха ночнаго, от стрелы летящия во дни, от вещи во тьме преходящия, от сряща<sup>1</sup> и беса полуденнаго. Падёт от страны твоей тысяща, и тьма одесную тебе, к тебе же не приблизится. Обаче очима твоима смотриши и воздаяние грешников узриши. Яко Ты, Господи, упование моё; Вышняго положил еси прибежище твоё. Не приидет к тебе зло, и рана не приблизится телеси твоему. Яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою. На аспида и василиска наступиши, и попереши льва и змия. Яко на Мя упова, и избавлю и; покрью и, яко позна имя Моё. Воззовет ко Мне, и услышу его, с ним есмь в скорби, изму его и прославлю его, долгою дней исполню его и явлю ему спасение Моё.

Слава Отцу и Сыну и Святому Духу, и ныне, и присно, и во веки веков. Аминь.

Аллилуия, аллилуия, аллилуия, слава Тебе, Боже. *(Трижды)*

Господи, помилуй. *(Трижды)*

---

<sup>1</sup> Сряц – встреча; все, что случается неожиданно.

## Тропарь, глас 8-й

Глубиною мудрости человеколюбно вся строяй и полезная всем подаваяй, Едине Содетелю, упокой, Господи, душу раба Твоего, на Тя бо упование возложи, Творца и Зиждителя и Бога нашего.

Слава Отцу и Сыну и Святому Духу, и ныне, и присно, и во веки веков. Аминь.

*Богородичен:* Тебе и стену, и пристанище имамы, и молитвенницу благоприятну к Богу, Егбоже родила еси, Богородице Безневестная, верных спасение.

## Псалом 50

Помилуй мя, Бже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя.

Яко беззаконие мое аз знаю, и грех мой предо мною есть выну<sup>2</sup>. Тебе единому согреших и лукавое пред Тобою сотворих, яко да оправдишися во словесех Твоих и победиши, внегда судити Ти. Се бо, в беззакониях зачат есмь, и во гресех роди мя мати моя. Се бо, истину возлюбил еси, безвестная и тайная премудрости Твоей явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Бже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бже, Бже спасения моего, возрадуется язык мой правде Твоей. Господи, устне мои отверзеш, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушено и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая, тогда возложат на олтарь Твой тельцы.

## Канон, глас 8-й

### Песнь 1

*Ирмос:* Воду прошед, яко сушу, и египетского зла избежав, израильтянин вопияше: Избавителю и Богу нашему поим.

*Припев:* **Покой, Господи, душу усопшаго раба Твоего (усопшия рабы Твоея).**

Отверз уста моя, Спасе, слово ми подаждь молитися, Милосерде, о преставлении рабе Твоем (*имя*), да покоиши душу его, Владыко.

*Припев:* **Покой, Господи, душу усопшаго раба Твоего (усопшия рабы Твоея).**

Мертв быв плотию, Спасе, и во гробе положен с мертвыми, душу раба Твоего покой в месте злачне, яко Милосерд.

Слава: Молбный глас мой услыши, Бже Триипостасне, и учини душу преставленнаго в недрах Авраамлих, Избавителю.

---

<sup>2</sup> Выну – всегда.

И ныне: Ты, Пречистая Богородице, Егбже без искуса мужеска зачѣнши родила еси, моли Сына Твоего подати покой рабу Твоему преставленному (*имя*).

### Песнь 3

*Ирмос:* Небѣснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Еди́не Человеколю́бче.

*Припев:* **Покóй, Гóсподи, дúшу усóпшаго раба́ Твоего́ (усопшия рабы Твоея).**

В месте злачне, в месте покойне, иде́же липы святы́х веселятся, дúшу раба́ Твоего́ преставленнаго покой, Христé, Еди́не Мíлостиве.

*Припев:* **Покóй, Гóсподи, дúшу усóпшаго раба́ Твоего́ (усопшия рабы Твоея).**

Иде́же ли́цы святы́х, тамо вчини, Влады́ко, послужившаго Те́бе всем сердцем и воздвигшаго иго Твое́ на рамо<sup>3</sup> свое, я́ко Един Владыка живота и смерти.

Сла́ва: Небесный Отче Вседержителю, и Сыне Единородный, и Душе Святы́й Исходный, презри умéршаго согрешения, и в Церкви первенец всели его, славити Тя со всеми угóждшими Те́бе.

И ныне: Яко Мати Святая Пресвятаго Б́га, Владычице всяческих, Мари́е Богородице, со всеми святыми Сего моли дúшу покоити раба́ Твоего́ в небесных селéниях.

*Если канон читается в составе панихиды, по 3-й и 6-й песнях: ирмос, «Господи помилуй» (40 раз) и молитва «Помяни, Господи...»*

### Седален, глас 5-й

Покóй, Спасе наш, с праведными раба́ Твоего́, и сего всели во двory Твоя́, я́коже есть писано, презирая, я́ко благ, прегрешéния его вольная и невольная, и вся я́же в ведении и не в ведении, Человеколю́бие.

Сла́ва Отцу́ и Сыну и Свято́му Дúху, и ны́не, и прíсно, и во ве́ки веко́в. Ами́нь.

*Богородичен:* От Девы возсиявый миру, Христé Б́же, сыны света Тою показавый, помíлуй нас.

### Песнь 4

*Ирмос:* Услышах, Господи, смотрения Твоего́ таинство, разумéх дела Твоя́ и прославих Твое́ Божество.

*Припев:* **Покóй, Гóсподи, дúшу усóпшаго раба́ Твоего́ (усопшия рабы Твоея).**

Сошéдый в преисподняя, Христé, совоздвигл еси́ умéршия вся, и преставльшагося от нас покой, Спасе, я́ко щедр.

*Припев:* **Покóй, Гóсподи, дúшу усóпшаго раба́ Твоего́ (усопшия рабы Твоея).**

Никтоже без греха есть, токмо Ты Един, Влады́ко, сего ра́ди преставленному и грехи́ оста́ви, и в рай того всели.

Сла́ва: Услыши, Трби́це Святая, гласы моле́бныя, приносíмыя Те́бе в церкви о усопшем, и богоначальным Твоим светом озари дúшу, омрачéнную суетными привержéнии.

И ныне: Родила еси́, Пречистая, без мужеска сéмене, Б́га совершéнна и Человека совершенна, взéмлющаго грехи́ на́ша, Дево. Того моли, Госпоже, преставльшемуся рабу Твоему подати покой.

---

<sup>3</sup> Рамо – плечо.

## Песнь 5

*Ирмос:* Просвети нас повелении Твоими, Гбсподи, и мышцею Твоею высокою Твой мир подаждь нам, Человеколюбче.

*Припев:* **Покóй, Гбсподи, дúшу усóпшаго раба Твоего (усопшия рабы Твоея).**

Имый живота и смерти власть, преставленнаго от нас покой, Христé Бóже, Ты бо еси всех, Спасе, покой и живот.

*Припев:* **Покóй, Гбсподи, дúшу усóпшаго раба Твоего (усопшия рабы Твоея).**

На Тя, Спасе, надежду возложь, умéрый отыде от нас; Ты же, Гбсподи, ущéдри его, я́ко Бог многомилостив.

Слáва: Просвети нас, Трисвяте, воспеваемый Влады́ко, молящихся Тéбе, мир небесный прияти, и в мирных сéлех дúшу вчини, отшéдшую от временных в надежде безконéчных жизни.

И ны́не: Шуйяго стояния, Пречистая, избавити преставленнаго умоли Сына Твоего́, Дéво Госпоже, я́ко Спаса и Бóга нашего Мати су́щая.

## Песнь 6

*Ирмос:* Молитву пролию ко Господу, и Тому возведу печали моя, я́ко зол душа моя испóлнится и живот мой аду прибли́жися, и молюся, я́ко Иона: от тли, Бóже, возведи мя.

*Припев:* **Покóй, Гбсподи, дúшу усóпшаго раба Твоего (усопшия рабы Твоей).**

Ада испровéрг, Влады́ко, воскресил еси́ умéршия от века; и ны́не преставленнаго от нас в нéдро Авраамле Ты, Бóже, всели, прегрешения вся отпустив, я́ко милосерд.

*Припев:* **Покóй, Гбсподи, дúшу усóпшаго раба Твоего (усопшия рабы Твоей).**

Заповедь, ю́же ми дал еси́, Бóже, преступи́х и смертен бых, но Ты, Бóже, сошéдый во гроб и дúши я́же от века воскресивый, не остави мене, Влады́ко, на мучение, но на покой, преставленный вопиет Тéбе с нами, Многомилостиве.

Слáва: Молим Тя, безначальне Отче и Сыне и Душе Святы́й, злобою душезлобнаго мира озлобленную и к Тéбе, Зиждителю, прешедшую дúшу во адово дно не отри́ни, Бóже Спасе мой.

И ны́не: С небесé Христос Бог наш, я́ко дождь на руно, Пречистая, снйде на Тя, напаяя весь мир и изсушая вся безбожнныя потоки, наводняяя всю землю разумом Своим, Приснодéво; Того моли дати покой преставленному рабу Твоему.

Гбсподи, помилуй. (*Трижды*). Слáва и ны́не:

## Кондак, глас 8-й

Со святыми упокой, Христé, дúшу раба Твоего́ (рабы Твоей), идéже несть болезнь, ни печаль, ни воздыхание, но жизнь безконéчная.

## Икос

Сам един еси́ Безсмертный, сотворивши и создавши человека; земнии́ убо от земли́ создахомся и в землю́ туюжде пойдем, я́коже повелел еси́, Создавши мя и рекый ми: я́ко земля́ еси́ и в землю́ отыдеши, аможе вси челове́цы пойдем, надгробное рыдание творяще песнь: аллилу́ия, аллилу́ия, аллилу́ия.

## Песнь 7

*Ирмос:* От Иудеи дошедше отроцы, в Вавилоне иногда, верою Трбическою пламень пещный попраша, поюще: отцев Бóже, благословен еси.

*Припев:* **Покóй, Гóсподи, дúшу усóпшаго раба Твоего (усопшия рабы Твоея).**

Владыко Христé Бóже, егда хощеша судити миру, пощади дúшу раба Твоего, егóже от нас приял еси, вопиющаго: отец наших Бóже, благословен еси.

*Припев:* **Покóй, Гóсподи, дúшу усóпшаго раба Твоего (усопшия рабы Твоея).**

В пищи райстей, идеже праведных дúши веселятся, послуживших Тéбе, причти с ними, Христé, дúшу раба Твоего, воспéвшаго: отец наших Бóже, благословен еси.

Слава: Иудейския три отроки спасый во огни, в Триех Лицах воспетый, избáви огня вéчнаго усóпшаго, воспéвшаго Ти верно: отец наших Бóже, благословен еси.

И ныне: Владыку Христа рóждшая, всех Бóга, власти тёмныя воздушнаго князя избáви, Дéво, дúшу преставльшагося в вере и воспéвшаго: отец наших Бóже, благословен еси.

## Песнь 8

*Ирмос:* Седмерицею пещь халдейский мучитель богочестивым нейстовно разжжé, силою же лучшею спасены сия виде, Творцу и Избавителю вопияше: отроцы благословите, священницы воспóйте, людие перевозносите во вся вéки.

*Припев:* **Покóй, Гóсподи, дúшу усóпшаго раба Твоего (усопшия рабы Твоея).**

Скончав течение и к Тéбе прибегах, Гóсподи, преставленный вопиет ныне, прегрешения оста́ви, Христé Бóже, и не осуди мене, егда хощеша судити всем, верно бо Тéбе взывах: вся дела Господня, Господа пóйте и перевозносите Его во вéки.

*Припев:* **Покóй, Гóсподи, дúшу усóпшаго раба Твоего (усопшия рабы Твоея).**

Понéсшаго, Владыко, и́го Твое на раме своем, и бремя Твое легкое, аще и не всегда, обаче в месте преподобных Твоих всели дúшу его, воспéвшаго Тéбе, Христé Спасе: отроцы благословите, священницы воспóйте, людие перевозносите Его во вéки.

Слава: Безначальная Трбице Святая, Бóже Отче и Сыне и Душе Святы́й, в лице святы́х причти дúшу преставленнаго раба Твоего и огня вéчнаго избáви, да Тя хвалит, воспевая во вéки: отроцы благословите, священницы воспóйте, людие перевозносите Его во вéки.

И ныне: Ты, Дéво, пророчестии ли́цы прорекоша, прозряще бо Ты прозорливыма очима: ов úбо жезл наречé Ты, ин же дверь восточную, ов же гору челове́ки несекóмую. Мы же исповедуем Тя во́истинну Богородицу, Бóга всяческих рóждшую, Егóже моли упокóбити преставленнаго во вéки вся.

## Песнь 9

*Ирмос:* Ужасéся о сем небо, и земли удиви́шася концы, я́ко Бог яви́ся человеком плотски, и чрево Твое бысть пространнейшее небес. Тем Ты, Богородицу, Ангелов и человек чиновачлиа величают.

*Припев:* **Покóй, Гóсподи, дúшу усóпшаго раба Твоего (усопшия рабы Твоея).**

Иисýсе Бóже мой, Спасе, Ада́мле Ты взял еси преступление и смерти вкусил еси, да челове́ки от ней свободи́ши, Милосéрде. Тёмже молим Тя, Милостиве: преставленнаго покой, я́ко благ, во двóрех святы́х Твоих, я́ко Един всеблагий и милосердый.

*Припев:* **Покóй, Гóсподи, дúшу усóпшаго раба Твоего (усопшия рабы Твоея).**

Несть никто́же, Милосе́рде, иже не согреши в челове́цах, токмо Ты един, Иису́се Христе́, взёмляй грехи́ всего́ мира. Те́мже, очистив раба́ Твоего́ от прегрешений, вчини во святы́х Твои́х дворех, Ты бо живот еси́ и покой, и свет, и веселие всех, Тебе́ благоугоди́вших.

Сла́ва: Удиви́ся все естество́ человеческое, како безначальнаго Отца́ Сын сын единокоро́дный, плоть от Девы́ действием Святаго́ Духа приял еси́, и пострадал еси́ яко́ человек, да умёршняя оживи́ши. Тем и преставленнаго ны́не от нас, прилежно́ молим Тя, во стране́ живых, яко́ Благ, всели.

И ны́не: Невесту́ Тя нарицаем, Пречистая, Отца́ невидимаго, и Матерь Сына, из Тебе́ Духом Святымъ воплощённаго, и молебницу́ Тя о усопшем рабё́ Твоем, предлагаем: Тебе́ бо помощницу́ има́мы, земный, и любовьи́ю поюще́ Тя величаем.

Достойно́ есть яко́ вои́стинну блажи́ти Тя, Богородицу, Присноблаже́нную и Пренепоро́чную и Матерь Бо́га нашего́. Честнейшую Херувим и славнейшую без сравнения́ Серафим, без исле́ния Бо́га

Слова́ рождшую, сущую́ Богородицу́ Тя величаем. (*Поклон*)

*Если канон читается в составе панихиды, вместо «Достойно...» повторяется ирмос 9-й песни канона.*

Святы́й Бо́же, Святы́й кре́пкий, Святы́й безме́ртный, поми́луй нас. (*Трижды*)

Сла́ва Отцу́ и Сы́ну и Свято́му Ду́ху, и ны́не, и при́сно, и во ве́ки веко́в. Ами́нь.

Пресвята́я Трѳи́це, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене́ Твоего́ ра́ди.

Го́споди, поми́луй. (*Трижды*)

Сла́ва Отцу́ и Сы́ну и Свято́му Ду́ху, и ны́не, и при́сно, и во ве́ки веко́в. Ами́нь.

Отче наш, Иже еси́ на небесе́х, да святѳ́тся и́мя Твое́, да приидет Ца́рствие Твое́, да бу́дет воля́ Твоя́, яко́ на небеси́ и на земли́. Хлеб наш насущный даждь нам днесь; и оста́ви нам до́лги на́ша, яко́же и мы оставя́ем должникомъ́ нашим; и не введи́ нас во искушение́, но изба́ви нас от лука́ваго.

## Тропари, глас 4-й

Со ду́хи праведных скончавшихся ду́шу раба́ Твоего́ (рабы́ Твоей), Спасе, упокой, сохраня́ю во блаженней жизни, я́же у Тебе́, Человеколю́бче.

В покои́щи Твое́м, Го́споди, иде́же вси свѳ́тии Твоя́ упокоеваются, упокой ду́шу раба́ Твоего́ (рабы́ Твоей), яко́ Един еси́ Человеколю́бец.

Сла́ва: Ты еси́ Бог, соше́дый во ад и узы окованных разреши́вый, Сам и ду́шу раба́ Твоего́ (рабы́ Твоей) упокой.

И ны́не: Еди́на чистая и непорочная Де́во, Бо́га без се́мене рожда́ющая, моли́ спасти́ся ду́ши его́ (ей).

Го́споди, поми́луй. (*40 раз*)

## Молитва

Помяни, Го́споди Бо́же наш, в вере́ и наде́жди живота́ ве́чнаго преста́вляшагося раба́ Твоего́ (преста́вляющуюся рабу́ Твою́) (*и́мя*), и яко́ благ и Человеколю́бец, отпуска́яй грехи́ и потребля́яй неправды, осла́би, оста́ви и прости́ вся вольная́ его́ (ея́) согрешения́ и невольная́, изба́ви его́ (ю́) вечны́я муки́ и огня́ ге́енскаго, и даруй́ ему́ (ей) причастие́ и наслаждение́ вечных Твои́х благих, уготованных любя́щим Тя: аще́ бо и согреши́, но не отступи́ от Тебе́, и несумне́нно во Отца́ и Сы́на и Святаго́ Духа, Бо́га Тя в Трѳи́це славимаго, ве́рова, и Еди́ницу в Трѳи́це и Тро́ицу во Еди́нстве православно́ даже до послѳ́дняго своего́ издыхания́ испове́да. Темже́ милостивъ́ тому́ (той) буди, и веру́, я́же в Тя, вместо́ дел вмени́, и со свѳ́тыми Твоими́, яко́ щедр, упокой;

нестъ бо человека, иже поживёт и не согрешит, но Ты Един еси́ кроме всякаго греха и правда Твоя правда во ве́ки, и Ты еси́ Един Бог милости и щедрот, и человеколюбия, и Те́бе славу возсылаем, Отцу́ и Сы́ну и Свято́му Ду́ху, ны́не и присно и во ве́ки веко́в, аминь.

## **Конец ознакомительного фрагмента.**

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.